

ƊWƐ mbƐ ayi Jɔn ásamé

Mekomejɔ́ ayi achyεge geɲwá

¹ ƊWƐ yina átome ne genó fɔ eyi gebɔ gelú me te nyá gemεge nnó Ɛsɔwɔ akwyεé mme yina. Ɛsé déwú geji, dége geji ne amε, déchere geji, ne déta geji ne amu sé. Genó eyigémbɔ élé mekomejɔ́ ayi achyεgé geɲwá. Ji ne ɛsé désame eta nyú. ² Ɛsɔwɔ apye ji ayi alu geɲwá abwɔlé mekwaá, ɛsé dége ji ne amε. Ne dégarεge abya ayi atome ne ji ayi achyεge geɲwá eyi gélágé byé. Ji abɔ alu ne Nte ne nana délé dége ji. ³ Ji ayi ɛsé dégene ne déwuú ntó unó bi ji ajɔ ne dégarεge enyú nnó enyú ntó décho mbwa ne ɛsé dépyεge unó chóncho. Deké dépyεmbɔ déchome mbwa ne Nte ne Maá wuú Jisɔs Kras. ⁴ Ɛsé désame enyú unó bina nnó ɛsé ako deβε ne gejamé gé nechóchó eninéjame nepwɔ́ amu.

Ɛsɔwɔ alu geɲgbɔ

⁵ Ge abya ayi ɛsé dewuú eta wuú ne dégarεge enyú, nnó Ɛsɔwɔ alú geɲgbɔ, gemua gepɔ ne ji cháchá. ⁶ Mbɔgé ɛsé déjógé nnó décho mbwa ne ji, ne déké dépyε wyε depɔ eké bɔ́ abi álu né mmu gemua εbyennó debyεge gebyɔ. Ne dekwεlege fɔ genó eyi gelú wáwálé. ⁷ Yémbɔ mbɔgé ɛsé déké dépyε depɔ eké bɔ́ abi álu né geɲgbɔ, wyε ndere Ɛsɔwɔ alú, εbyennó ɛsé décho mbwa ne ate ne manó Maá wuú Jisɔs mashwɔnege ɛsé né yéndé gabo ayi dépyεé.

⁸ Mbɔgé esé déjɔgé nnó gabo ápó esé mmye, débɔwɔlége elé gemege sé, ne wáwálé Esɔwɔ apó esé ne metɔ́. ⁹ Yémbɔ mbɔgé esé deshuge eku mbaá Esɔwɔ, né gabo ayi depyéé ji apye genó eyi gelú chó ne dekage líí mmye ne ji nnó ji ajigé nye nte gabo ayi esé depyéé, ashwɔne esé né yéndégenó eyi depyéé eyi gela gepó cho né mbe ushu wuú. ¹⁰ Ne mbɔgé esé déjɔge nnó depye fɔ gabo wɔ, ebyennó déké Esɔwɔ alu muú gebyɔ. Ne mekomejɔ́ wuú ápó esé né matɔ́.

2

Kras alu muú genɔga sé

¹ Baá ba abi gejeé, me nsame unó bina eta nyú nnó ékágé enyú depye gabo. Yémbɔ mbɔgé muú apyegé gabo, ese déwyaá muú genɔga ayi agame esé né mbe ushu nte se Esɔwɔ. Muú yimbɔ elé Jisɔs Kras muú alu cho né mbe ushu Esɔwɔ. ² Elé Kras jimbɔ́ ne Esɔwɔ asele ndere nme gepɛ nnó ajinte gabo sé. Yémbɔ epófɔ́ gabo awe sé jiji. Elu ntó gétúgé gabo bɔ́ mme meko.

³ Mbɔge esé déké depyéé genó eyigé Esɔwɔ ajɔ́, ewémbɔ ne elérége nnó dékaá ji wáwálé. ⁴ Muú ayi ajógé nnó ji ákaá Esɔwɔ ne álá apyéé fɔ yéndégenó eyigé Esɔwɔ ajɔ́ alu muú gebyɔ ne wáwálé apó ji né metɔ́. ⁵ Yémbɔ, mbɔgé muú aké abelege mekomejɔ́ Esɔwɔ, ebyennó gejeé eyigé ji abɔ́ gekwané ndere Esɔwɔ akélege. Ge genó eyi gepye ne esé dékaá nnó décho mmye ne Esɔwɔ mbɔ. ⁶ Muu ayi ajógé nnó ji acho mmye ne Esɔwɔ abɔ́ mankwɔle ntó gekágé nekene Jisɔs.

Gekwenege ebe ebwɔlé ebe meke

⁷ Ajeé ba abi gejeé, Ebe ewé me nsame mbɔ eta nyú na, epófó ebe ewe meke. Elé gekwenege ebe ewé enyú déwuú me te gébé eyigé enyú défyéé metɔ́ ne Jisɔs. Ne gekwenege ebe ewémbɔ élé mekomejɔ́ ayi enyú débɔ́ me mbe déwuú. ⁸ Yémbɔ mmage chyéé enyú ebe ewéna eké ewé meke. Genwage Kras ne eyigé nyú ntó geleré wáwálé genó eyigé ebe ewéna elú, néndé gemua gélégé bye ne genjgbɔ eyigé wáwálé gégéné me.

⁹ Muú ayi ajógé nnó ji alu né genjgbɔ ne aké apaá nte menme wuú alu né mmu gemua eyi ji abɔ alú wyé. ¹⁰ Mbɔgé muú aké abɔ́ gejeé ne nte menme wuú alu né genjgbɔ. Ne ye genó gepɔ́ né genwá jíi eyi gekágé te ji apye gabo. ¹¹ Yémbɔ muú ayi apaá nte menme wuú alu eké muu ayi alu né mmu gemua, akene né mmu gemua. Ji akágé fɔ́ mbaá ayi ji ajyéé néndé gemua gegilé ji amé.

Débɔgé fɔ́ gejeé ne unó mme

¹² Baá ba abi gejeé, me nsame enyú unó bina neńdé Eɔwɔ́ ajíí me nte gabo nyú gétúgé genó eyi Kras apyéé. ¹³ Akpakpa ba, me nsame enyú unó bina, néndé enyú dekaá ji ayi abɔ alu mé te nyá gemége nno akwyé yende genó. Njye usa, me nsame ntó enyú unó bina néndé enyu démmye dépwɔ́ mfwa aló nchye. ¹⁴ Baá ba abi gejeé, nsame enyú unó bina néndé enyú dékaá ji ayi alu Nte. Anté ba me nsamé unó bina eta nyú néndé enyú dékaá ji ayi abɔ alú me te nyá gemége nnó akwyé yéndégenó. Njye usa, nsame enyú unó bina néndé enyú détoó né dépwɔ́ré Eɔwɔ́, ne mekomejɔ́ Eɔwɔ́ alu né mmu matɔ́ enyú. Ne démmye dépwɔ́ ntó mfwa aló nchye.

15 Ndere elúmbò, ekágé enyú debo gejeé ne gèpòge mme yina, ye ebe lé unó mme débòge fò gejeé ne ubi. Mbògé muú abògé gejeé ne gèpòge mme yina, ebyennó ji abòó fò gejeé ne Nte wó, 16 nénde yéndégenó eyi gelu fa mme ndere unó bi menyammye mekwaa ákelege, ebi bòó afye ame wye ne ákelege nnó abòó, ne ebi upyee bòó ábwège mmye gétúgé ubi, unó bina uko útánégé fò mbaá Nte sé Èsòwò, útánege lé fa mme. 17 Mme yina abyee. Yéndé genó jii eyi bòó afye ame wye mambò gebye ntó, yémbò yéndémuú ayi apye genó eyigé Èsòwò ákelege abe te kwyakwya.

Muú ayi atené ukòlò ne Kras achwó me

18 Baá ba abi gejee, gébé eyigé mmena ábyeé gela kwókwólé. Tege nnó ábó me mbe ágaré enyú nnó muú ayi atené ukòlò ne Kras achwó nyé. Ne bòó abi álú eké ji áchwó me gejame. Ndere elúmbò, esé dékaá nnó gébé eyigé mme ábyeé gela kwókwólé. 19 Bòó bimbo áfa mbwa ne esé. Ebwó ápó fò bòó se. Mbògé ebwó abe bòó sé wáwálé, mbò alu mbwa ama ne esé. Manlyaa ayi ebwó ályaa esé álere nnó ebwó ápó fò bòó esé.

20 Yémbò enyú dépò fò nkane ebwó, nénde Kras muú ukpea afané enyú Mendoó Ukpea né mmye ne enyú ako dékaá genó eyi gelú wáwálé. 21 Ula bi me nsame enyú unó bina, epófó nnó enyú dékagé fò genó eyi gelú wáwálé. Me nsame enyú unó bina gétúgé enyú dékaá geji. Ne dékaá ntó nnó yéndégenó eyi gelú gebyò gétange fò né eyi gelú wáwálé.

22 Né mechò ewéna, ndemuú alu muú gebyò? Elé muú ayi ashyaá nnó Jisòs ápó fò Muú yi Èsòwò

akweré ji elá gefwa. Gefɔgé muú yina ne alu muú ayi atené ukɔlɔ ne Kras. Ji ne ashyaá Nte ne Maá wuu. ²³ Néndé yéndémuú ayi ashyaá Maá Ɛsɔwɔ ebyennó ákágé fɔ Nte wuu. Muú ayi akamege nnó Jisɔs alú Maá Ɛsɔwɔ ebyennó akage Nte wuu.

²⁴ Nɔdere elúmbɔ, gɔgé unó bi enyú déwuú té ula ulɔ ubɛ né matɔ́ nyu. Mbɔgé unó bi enyu dewuú te ula ulɔ ubɛge enyú né metɔ́, décho wye mmyɛ ne Maá ne Nte wuu ntó. ²⁵ Ne genó eyigé ji anyémeno nnó achyɛge ɛsé, genó eyigémbɔ elé genwá eyi gélágé byé.

²⁶ Me nsame unó bina eta nyú ntome ne bɔ́ abi ábwólege enyú nnó délyaá genó eyi gelú wáwálé.

²⁷ Kágé nnó Mendoó Ukpea ewé Kras afané enyú né mmyɛ elú me ne enyú, enyú debɔ́ sé mankele muú ayi cha nnó alerege enyú wɔ́ néndé mendoó wuu ewémbɔ elerege me enyú yéndégenó. Ne unó bi ewú elerege enyu úlú wáwálé gebyɔ gepɔ́ wyeé. Nɔdere ewú elerege enyú choge wye mmyɛ ne Kras.

²⁸ Baá gejeé ba, choge wye mmyɛ ne Ji. Dépyɛge mbɔ, ɛsé ako débɛé fɔ ne ɛfɔ metɔ́ ne mekpo unɔ́ ɛgbarege fɔ ɛsé deja mmyɛ meso né bií ebi ji akerege meso. ²⁹ Te mbaa dékaá nnó Jisɔs alú cho né mbɛ ushu Ɛsɔwɔ, dékage kaá ntó nnó yéndémuú ayi apyɛ genó eyi gelú cho ala Maá Ɛsɔwɔ.

3

Ɛsé delú baá Ɛsɔwɔ

¹ Pɛge yé gejamégé gejeé eyigé Nte sé Ɛsɔwɔ abɔ́ ne ɛse. Getuge gejee eyige na, ji akuú ɛsé nnó baá bií. Mbɔ ne ɛsé delú ntó. Ula bi bɔ́ mme alá akaá fɔ nnó ɛsé delú baá Ɛsɔwɔ, úlú nnó ebwɔ́ ákágé fɔ ji. ² Aɲme ba abi gejee ɛsé delú nana baá

Ἐσωθῶ. Ne genó eyi debῶ mankaá gelú nnó Ἐσωθῶ alu danpye esé dekaá ndere débeé nye meso gébé. Yémbῶ dekaá nnó gébégé Kras akerege fa mme esé débeé nye wye eké ji, néndé dégene nye ndere ji alu. ³ Yéndémuú ayi ánerere metῶó nnó ji abeé nye eké Kras, abῶ mambelege genwá jíi pópo ndere eyigé Kras gelu.

⁴ Yéndémuú ayi apyéé gabo akwene mbῶ lé ebe Ἐσωθῶ néndé gabo mampyege elé mankwene mabe Ἐσωθῶ. ⁵ Enyú dékaá nnó Kras achwῶ fa mme nnó afere esé gabo né mmye. Ne yé gabo fῶ apó ji mmye chá chá. ⁶ Ndere elúmbῶ, yéndémuú ayi áchomé mmye ne Kras amage pye sé gabo. Ne yéndémuú ayi apyee wye gabo, alu danje yé Kras, ne ákaá fῶ yé ji wῶ.

⁷ Baá gejeé ba, dékamege fῶ muú fῶ abwolé enyú. Yéndémuú ayi apye wye genó eyi gelu cho alu cho né mbe ushu Ἐσωθῶ, wye ndere Kras alu cho né mbe ushu wuu. ⁸ Yémbῶ yéndémuú ayi apye wye gabo pyeé, alu muú danchῶmeló néndé danchῶmeló ne alῶó ula mampye gabo. Gétú eyigémbῶ ne Maá Ἐσωθῶ achwῶó fa mme nnó áchῶ utῶó danchῶmeló.

⁹ Yéndémuú ayi alaá maá Ἐσωθῶ apyéé sé wye gabo pye, nénde ji awyaá gepῶgé Ἐσωθῶ. Ji akágé pye sé gabo néndé, ji alaá maá Ἐσωθῶ. ¹⁰ Genó eyi gelerege bῶó abi alu baá Ἐσωθῶ ne abi alu baá danchῶmeló gelú nnó, bῶó abi alá apye fῶ genó eyi gelu cho né mbe ushu Ἐσωθῶ yé ebe elé gejeé alá abῶó fῶ ne ate aḡme, apó fῶ baá Ἐσωθῶ.

Mekomejῶ Ἐσωθῶ aké débῶgé gejeé ne ate

¹¹ Mekomejῶ ayi enyú déwuú me te ula ulῶó alu nnó esé débῶgé gejeé ne ate. ¹² Ekágé esé debe eké

Ken. Ji alu maá danchəmeló. Ji awá menmo wuu. Ulannó ji awáne menmo wuu? Awá ji néndé unó bi Ken jimboó apye úlú nchyenche ne ebi menme wuu apyé úlú cho.

¹³ Baá gejeé ba, ékágé enyú dela mano mekpo fuú mbəgé boó mme aké apaá enyú. ¹⁴ Esé dékaá nnó détane né amu negbo dékpe né mmu genwá. Dékaá mbə néndé esé debə gejeé ne ate aηme. Muú ayi alá aboó fə gejeé ne nte menme wó alu né amu negbo. ¹⁵ Muú aké apaá nte menme wuu, ebyennó alu mewané boó. Ne dékaá nnó muú ayi awané boó alú dambə genwá eyi gélagé byé. ¹⁶ Genó eyi gepyé esé dékágé genó eyi gejeé gelú, gelu nnó Kras achye genwá jíi agbo gétúgé se. Ne mbəntó ne esé débəó manchyeé genwáge sé, yé ebé lé mangbo gétúgé ate aηme. ¹⁷ Ne mbəgé muú abegé ne gefwa ne agegé nte menme ayi alu mbya, alá agé meshwe apoo ji wó, epyembə nnó ne ji agaré aké ji agboó ne Esəwə? ¹⁸ Baá gejeé ba, ékágé déjógé lé mejóó meno ewú ewú nnó debə gejeé ne ate. Délérégé gejeé eyi wawá lé ne ate né mbaá unó bi dépyéé.

¹⁹ Deké debəó gejeé ne ate, mbə ne dékágé nnó détené né egbe ewé wawá lé. Ne ewéna epye mató abeé esé mmu pere gébégé détenege né mbe ushu Esəwə, ²⁰ yéndégébe eyí mató sé ágarege nnó dépye gye, néndé debə mankaá nnó Esəwə aηea apwə yéndégenó eyi mató ágarege esé ne ji akágé yéndégenó. ²¹ Ajeé ba abi gejeé, ndere elúmbə mbəgé mató sé alá agaré esé nnó dépye gye wó, débéé fə ne efə metóó mantene né mbe ushu Esəwə. ²² Ne dékágé jíi yéndégenó ji achyege esé néndé esé débelege mabe jíi ne dépye ntó unó bi ugóó ji metóó. ²³ Ne ebe ewé ji achyéé esé elú nnó défyéé

metoó ne maá wuú Jisós Kras ne nnó debo gejeé ne ate wye ndere ji agare esé nnó dépyege. ²⁴ Bóó ako abi abelege mabe Esowó, áchomé wye mmye ne ji ne ji ntó achome mmye ne ebwó. Genó eyi gepyé nnó esé dékaá nnó ji acho mmye ne esé elé Mendoó wuú ewé ji afyéé esé né mmu metoó.

4

Mendoó ewé wáwálé ne ewé gebyó

¹ Ajeé ba abi gejeé, ékágé dékamege ne yéndegenó eyigé muú ajógé. Muú ajógé genó, cherege dége mbógé mendoó ewé etene ji nnó ajóó etané mbaá Esowó, néndé gejamégé bóó ekpávé gebyó achwó ne atyaá né mme meko. ² Genó eyi gepyé ne dékaá mbógé elé Mendoó Esowó ne elú muú né mmye gelú nnó, yéndémuú ayi agarege nnó Jisós Kras achwó fa mme ndere mekwaá ji yimbó ne Mendoó Ukpea elú ji mmye. ³ Ne yéndémuú ayi álá agarege fó nnó Jisós achwó fa mme ndere mekwaá Mendoó Esowó epófó ji né mmye. Ji yina ne awyaá mendoó muú ayi atené ukóló ne Kras ayi enyú debo dewuú nnó achwó. Ne nana alu me fa mme.

⁴ Baá gejeé ba, enyú delu baá Esowó ne detoó dépwó bóó gebyó bimbó nénde muú ayi alu enyú né mmye awyaá uto apwó muú ayi alu bóó mme né mmye. ⁵ Bóó gebyó bimbó alu ele bóó mme. Ndere elúmbó, ebwó ajógé lé dépóré mme ne bóó mme áwuú ne ebwó. ⁶ Esé delu bóó Esowó, ne yéndémuú ayi ákágé Esowó áwuú ne esé. Ne muú ayi ála apó fó muú Esowó áwuú fó ne esé. Ge mbó ne dékágé nyé mbógé muú awyaá mendoó ewé wáwálé waá nnó awyaá lé mendoó ewé gebyó.

Ɛsɔwɔ elé gejeé ne yéndémuú Ɛsɔwɔ abɔɔ gejeé ne bɔɔ

⁷ Ajeé ba abi gejeé, débɔge wyɛ gejeé ne atɛ néndé gejeé getanege né mbaá Ɛsɔwɔ. Ne yéndémuú ayi abɔɔ gejeé ne bɔɔ alu Maá Ɛsɔwɔ ne akágɛ Ɛsɔwɔ. ⁸ Ne muú ayi álá abɔɔ fɔ gejeé ne bɔɔ ákágé fɔ Ɛsɔwɔ, nendé Ɛsɔwɔ elé gejeé. ⁹ Gɛ na ne Ɛsɔwɔ aléré nnó ji abɔ gejeé ne esé. Ji atɔ danchi maá wuú fa mme nnó getu jíí, esé debɔ geɲwá. ¹⁰ Gɛ genó eyi gejeé gelu mbɔ. Ɛpɔfɔ nnó esé debɔ gejeé ne Ɛsɔwɔ. Elú elé nnó ji abɔ gejeé ne esé ne atɔme maá wuú nnó achwɔ agbo ndere ηme gepɛ nnó ji ajinte gabo ayi esé dépyɛ.

¹¹ Aηme ba abi gejeé, mbɔgé nnó na ne Ɛsɔwɔ abɔ gejeé ne esé, esé ntó debɔ mambɔ gejeé ne atɛ. ¹² Muú fɔ alu dange Ɛsɔwɔ ne amɛ, yémbɔ mbɔgé debɔgé gejeé ne atɛ, Ɛsɔwɔ achome mmyɛ ne esé, ne gejeé eyigé esé débɔɔ ne atɛ gekwanege ndere Ɛsɔwɔ akɛlege.

¹³ Ɛsɔwɔ achyɛé esé Mendoó wuú, gɛ mbɔ ne dékágé nnó esé décho mmyɛ ne ji ne ji ntó acho mmyɛ ne esé, néndé ji achyɛé esé Mendoó wuú.

¹⁴ Ne esé ambɔɔ dége ne dégarege bɔɔ nnó Nte se Ɛsɔwɔ atɔ Maá wuú fa mme nnó achwɔ ábɛé Menchyé geɲwá mbaá bɔɔ mme. ¹⁵ Ne yéndémuú ayi akamege nnó Jisɔs alu Maá Ɛsɔwɔ, Ɛsɔwɔ achome mmyɛ ne ji ne ji ntó achome mmyɛ ne Ɛsɔwɔ. ¹⁶ Ndere elúmbɔ, esé ntó dékaá ne dékámé nnó Ɛsɔwɔ abɔ gejeé ne esé.

Ɛsɔwɔ abɔ gejeé ne bɔɔ, ne yéndémuú ayi abɔ wyɛ gejeé achome mmyɛ ne Ɛsɔwɔ ne Ɛsɔwɔ ntó achome mmyɛ ne ji. ¹⁷ Genó eyi gepyɛ esé dékaá nnó gejeé eyi débɔɔ gekwané ndere Ɛsɔwɔ akɛlege,

elé mbɔgé esé débéeé fɔ ne efo metɔ́ó né bií bi Esɔwɔ asɔ́ó mpa néndé geɲwáge sé fa mme gelú wye eké eyigé Kras. ¹⁸ Efo epó né gejeé, gejeé gekwɔ́négé ndere Esɔwɔ akélege gebuú efo. Geno eyi gepyeé efo elé efwyale. Ne yéndémuú ayi abɔ́ó efo metɔ́ó ebyennó gejeé eyigé ji abɔ́ó gelu gakwáne ndere Esɔwɔ akélegé.

¹⁹ Esé debɔ́ó gejeé ne Esɔwɔ ne ate aɲme néndé Esɔwɔ abɔ́ me mbe abɔ́ gejeé ne esé. ²⁰ Mbɔ́gé muú ajɔ́gé nnó ji abɔ́ gejeé ne Esɔwɔ ne ake alu paá nte meɲme wuú ebyennó alu muú gebyɔ́ néndé muú alá abɔ́ó fɔ́ gejeé ne nte meɲme wuú ayi ji age ne ne ame, epyéembɔ́ nnó ne ji abɔ́ gejeé ne Esɔwɔ muú ji álé gené? ²¹ Ne achyéé esé ebe ewena aké: Yéndémuú ayi abɔ́ó gejeé ne Esɔwɔ abɔ́ mambɔ́ ntó gejeé ne ate aɲme.

5

Esé dewyaá uto ebi démmye depwɔ́ gabo fa mme

¹ Yéndémuú ayi ákamege nnó Jisɔ́s alu Muú yi Esɔwɔ akweré ji elá gefwa, ebyennó alu Maá Esɔwɔ. Ne yéndémuú ayi abɔ́ó gejeé ne nte abɔ́ó ntó gejeé ne maá wuú. ² Genó eyi gepyeé ne esé dékaá nnó débɔ́ó gejeé ne baá Esɔwɔ elé mbɔ́gé debɔ́ó gejeé ne Esɔwɔ ne debélegé mabe jíí. ³ Mambɔ́ gejeé ne Esɔwɔ elé mambélegé mabe jíí. Ne mabé jíí ájweré gé fɔ́ mambelé. ⁴ Néndé yéndémuú ayi alaá maá Esɔwɔ awyaá uto bi ji ammye apwɔ́ gabo fa mme. Ne mankame ayi esé dékame nnó Jisɔ́s alu Maá Esɔwɔ ne epye nnó esé debɔ́ uto bi démmye depwɔ́ó bɔ́ó mme. ⁵ Ndé muú ayi apwɔ́ó gabo fa mme? Elé muú ayi ákamé nnó Jisɔ́s alu Maá Esɔwɔ.

Unó bi ulérége nnó Jisós alu Maá Eṣṱwṱ

⁶ Elé ji yina ne alú Jisós Kras, Muú yi Eṣṱwṱ akweré ji elá gefwa. Ji achwṱṱ fa mme, awyaá ji manaá ne manoó mií machye mme gébégé ji agboó. Ji akoó fṱ elé né mmu manaá mamímamí wṱ, akoó né mmu manaá choncho ne manoó. Ne elé Mendoó Ukpea ne etene ntesε se nnó mechṱ ewéna elu wáwálé néndé Mendoó Ukpea egarege wáwálé. ⁷ Bṱ ntesε alu aléé abi alerégé nnó Jisós alu Maá Eṣṱwṱ. ⁸ Bṱ ntesε bina elé Mendoó Ukpea, manaa ne manoó. Ebwṱ bina aléé, ajógé wyε genó gemma. ⁹ Akwaá agáré unó bi ebwṱ akaá, esé dekámégé nnó ajógé wáwálé. Yémbṱ genó eyigé Eṣṱwṱ agárégé geṱeá gεε gepwṱ amu. Ne ji ne agáré esé genó eyi getome ne Maá wuú. ¹⁰ Yéndémuú ayi áfyéé metṱṱ ne Maá Eṣṱwṱ akáge né metṱṱ wuú nnó genó eyigé Eṣṱwṱ agarege atome ne maá wuú gelú wáwálé. Yéndémuú ayi alá fyéé fṱ metṱṱ ne Eṣṱwṱ wṱ, ebyennó asele Eṣṱwṱ nđeré muú gebyṱ, néndé ashyá mankame nnó genó eyigé Eṣṱwṱ ajṱṱ atome ne Maá wuú Jisós gelú wáwálé. ¹¹ Gε genó eyigé Eṣṱwṱ agáré ese na: Ji chyéé esé geṱwá eyi gélagé byé. Geṱwá eyigé na getanegé mbaá Maá wuú. ¹² Ne yéndémuú ayi áchómé mmyε ne Maá Eṣṱwṱ awyaá geṱwá. Yéndémuú ayi alá cho mmyε ne Maá Eṣṱwṱ wṱ, apṱ fṱ ne geṱwá.

Geṱwá eyi gélagé byé

¹³ Nsame enyú unó bina, enyú abi dékamé nnó Jisós alú Maá Eṣṱwṱ nnó enyú dékaá nnó déwyaá geṱwá eyi gélagé byé. ¹⁴ Esé deténégé né mbe ushu Eṣṱwṱ né mmyemenene debeé fṱ ne dembyṱ néndé

dékaá nnó yéndé genó eyi esé degígé ji awuú esé mbógé degígé ndere ji akélegé. ¹⁵ Mbógé esé dekaá nnó ji awuú esé né geno eyi degígé ji, debɔ mankaá ntó nnó ji achyε με esé genó eyi degígé ji.

¹⁶ Mbógé muú akage nnó nte menme apyεé gabo ayi ála atene fɔ muú né negbo, anemmye nnó Esɔwɔ ajií ji nte achyεε ji geɲwá. Ewéna etome elé ne bɔɔ abi apyε gabo ayi ála atene fɔ muú né negbo néndé gabo yifɔ alu ayi atene muu né negbo. Njɔɔ fɔ nnó enyú dénénemmye mbaá Esɔwɔ gétúgé muú ayi apyεé gefógé gabo yina wó. * ¹⁷ Yéndé gyεé ayi muú apyε elé gabo né mbe ushu Esɔwɔ. Yémbɔ gabo ayifɔ alu ayi ála aténé fɔ muú né negbo.

¹⁸ Esé dekaá nnó yéndémuú ayi alaá Maá Esɔwɔ apyεε sé gabo pyε néndé Jisɔs Maá Esɔwɔ abame ji ne danchɔmeló ákágé pyε fɔ ji genó.

¹⁹ Dékaá nnó esé delu baá Esɔwɔ. Bɔɔ mme ako abi ála akage Esɔwɔ alu né amu muú nchye.

²⁰ Eɛe dekaá yé nnó Maá Esɔwɔ achwó fa mme ne apyε nnó esé dekaá unó bina ne nnó dekaá Esɔwɔ muú alu wáwálé. Esé decho mmye ne Esɔwɔ muú alu wáwálé ne Maá wuú Jisɔs Kras. Ji ne alu Esɔwɔ muú alu wáwálé. Ji ntó ne achyεge geɲwá eyi gelagé byε fɔ.

²¹ Nderé elúmbɔ, baá gejeé ba, ngárégé enyú nnó sεge gébé nnó ekágé denógé aló uka.

* **5:16** Elú wáwálé nnó: Bɔɔ abi ágií depɔré Esɔwɔ dɔɔ áké, gabo ayi atene muú né negbo elé manshya ayi gejamégé bɔɔ áshyaá mankame nnó Jisɔs alu Maá Esɔwɔ.

Ν_{WE} menomenyεέ mekέ
New Testament in Denya (CM:anv:Denya)

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Denya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022
c1c6a10b-c0b1-5242-bb46-153e2e25ddc7